

四庫全書

集部

欽定四庫全書

山谷年譜卷十一

宋 黃嚙 撰

元豐三年庚申

先生是歲入京改官授知吉州太和縣

詳見先生寄李公擇詩序

是秋自汴京歸江南

見曉放汴舟詩註

十月游山谷寺

按張翔夫哀詞序云張庖民翔夫往在皖溪口
開泉長安嶺下元豐庚申十月余舟次泉下云
云山谷寺在皖山三祖山屬舒州有石牛洞等
林泉之勝先生遊而樂之因此號山谷道人
十一月小寒日上潛峯

先生有題名石刻云建康李參彭蠡李秉彛秉
文磁湖吳擇賓華陽丘揖豫章黃廷堅歲庚申

日小寒過飯而西上潛峯謁司命所過道人寢
室將十區便房曲閣所見山皆不同輒有佳處
行憇寶公井瞻禮衆禪師塔坐卧傳巖亭下下
酒島歸宿曉老生生堂西閣下漏下十刻所以
長歷攷之即元豐三年十一月二十一日也又
擢秀閣詩後題云廣陵蘇子平南康李德叟章
水黃魯直庚申小寒後一日同來觀瀟山天柱
雪

十二月過南康還鄉

見大孤山詩注

次韻荅叔原會寂照房呈稚川

詩中有我家猶北門之句當是先生入京改官

猶寄家北京耳

同王稚川晏叔原飯寂照房得房字

次韻叔原會寂照房得照字

次韻稚川得寂字

都下喜見八叔父

八叔父即夷仲給事是時為集賢校理判尚書
刑部按國史元豐三年除權發遣河東提點刑
獄公事兼提舉義勇保甲政先生入京改官之
時且詩中有一別七冬夏之句當時熙寧間先
生在北京時給事嘗體量河北河東災傷道經
由相見至今七年耳

次韻叔父夷仲送夏君玉赴零陵主簿

已上六篇並載外集

次韻王稚川客舍二首

按蜀中石刻先生此詩真蹟題云王荪稚川元
豐初調官京師寓家鼎州親年九十餘矣嘗聞
貴人家歌舞醉歸書其旅邸壁間云鴈外無書
為客久蛩邊有夢到家多畫堂玉珮縈雲響不
及桃源欸乃歌予訪稚川于邸中而和之五湖
作五更每占作不嗔

王稚川既得官都中有所盼未歸予戲作林夫人歛
乃歌二章與之竹枝歌本出三巴其流在湖湘耳
歛乃湖南歌也

按蜀本石刻題云余復戲代稚川之妻林夫人
寄稚川時稚川在都下有所顧盼留連未歸也
而其詩與集中所載前後不同云花上盈盈人
不歸棗下纂纂實已垂尋師訪道魚千里蓋世
功名黍一炊卧冰泣竹慰母飢天吳紫鳳補兒

衣臘雪在時聽嘶馬長安城中花片飛又任氏
注云什邡張氏有山谷手書此詩與令日本正
同唯一二字稍異實已垂作實已稀又有跋云
宋時有女鬼至人家歌花上盈盈曲悲壯不可
聽

病起次韻和稚川進叔倡酬之什

稚川約晚過進叔次前韻贈稚川并呈進叔

二詩中有老境侵尋每憶家及我歸河曲定寒

食之句

自咸平至太康鞍馬間得十小詩寄懷晏叔原并問
王稚川行李鵝兒黃似酒對酒愛新鵝此他日醉
時與叔原所詠因以為韻

咸平太康皆京師屬邑在東南政先生歸江南
之路

已上十二篇並元載外集

從舅氏李公擇將抵京輔以歸江南初自淮之西猶

未秋日思歸

是年夏先生復往北京挈家歸江南作

翌日阻雨次韻

已上二篇並元載別集

汴岸置酒贈黃十七

按王直方詩話云山谷謂洪龜父云甥最愛老
舅詩中何語龜父舉蜂房各自開戶牖蟻穴或
夢封侯王黃流不解浣明月碧樹為我生涼秋

以為深類工部山谷云得之矣後一聯即此詩
曉放汴舟

詩中有秋聲滿山河及又持三十口去作江南
夢之句政歸江南所作

次盱眙用前韻

已上三篇並元載外集

詠史呈徐仲車

仲車名積謚節孝先生家于楚州當是先生經

涂所作

次韻徐仲車喜董元達訪之作南郭篇四韻

元達名遠

次韻仲車為元達置酒四韻

次韻仲車因婁行父見寄之詩

此三詩蜀本置之崇寧元年然先生有是年八月間與平仲少府書云審仲車先生棄士大夫不起於山陽窮居失所又不幸至此直使人哀

痛也然仲車好德樂義不屈其身耆老好學不倦以至於盡在先生無憾矣此書疑在荆南盖有自八月大病幾至委頓之說政是荆南待命之時則此詩決非當時所作今移附于此

外舅孫莘老守蘇州留詩斗野亭庾申庭堅和

亭在揚州召伯埭按淮海秦少游集有和孫莘

老召伯斗野亭古詩

十月十三日泊舟白沙江口

元注真州唐永正縣之白沙鎮也

發白沙口次長蘆

阻風入長蘆寺

詩中有歲寒風落山故鄉喜言旋之句

次韻伯氏長蘆寺

詩中有攜手霜木末之句

金陵

別蔣穎叔

穎叔名之奇嘗作江淮發運當是經塗所作

次韻答李端叔

贈別李端叔

行行重行行贈別李之儀

端叔名之儀寓居蕪湖三詩雖有先後因是時

經塗附見

阻風銅陵

銅官縣望五松山集句

阻水泊舟竹山下

詩中雖有柳暗花濃一半春之句然歲月已不可攷姑附于此

銅官僧舍得尚書郎趙宗閱墨竹一枝筆勢妙天下
為作小詩二首

池口風雨留三日

貴池

大雷口阻風

庚寅乙未猶泊大雷口

按國史元豐三年十二月己丑朔庚寅蓋初二日與行程頗合

乙未移舟出口

丙申泊東流縣

已上二十一篇並元載外集

題山谷石牛洞

先生有真蹟石刻題云題山谷寺石橋下

書石牛溪旁大石上

題山谷大石 此二篇並元載外集

題瀟峯閣

閣在舒州提刑司公擇時為淮西提刑蓋治所作

次韻公擇舅

同蘇子平李德叟登擢秀閣

靈龜泉上

從丘十四借韓文二首

詩中有安得見丘遲之句

以右軍書數種贈丘十四

李君貺借示其祖西臺學士草聖并書帖一編二軸
以詩還之

三至堂

玉照泉 已上八篇並元載外集

山谷年譜卷十一

欽定四庫全書

山谷年譜卷十二

宋 黃耑 撰

元豐三年庚申

下

發舒州向皖口道中作寄李德叟

題馬當山魯望亭四首

宿舊彭澤懷陶令

先生過南康軍祭劉凝之文云元豐三年庚申

十二月辛酉彭澤屬江州又在江州之下

潯陽江口阻風三日

泊大孤山作

元注庚申十二月

題落星寺四首

先生有真蹟以前二首題云題落星寺第三首

題云題落星寺嵐漪軒第四首題云往與道純

醉卧嵐漪軒夜半取燭題壁間云又有蜀本石

刻前一首題云落星寺僧請題詩而首句畧不
同云游空天象有賈陸及畫吟作畫倚江撼牀
作波撼牀窰房作蜂房牖戶作戶牖青雲梯幾
級作虛空更幾級瘦藤作一藤而第四首石刻
題作醉書落星寺壁時與劉道純同飲二僧在
焉

玉京軒

先生有真蹟跋語云將旦起坐復得長句忽忽

就竹與不暇寫歲行一周道純已凋落為之隕
涕故書遺超上人可刻石于吾二人醉處它日
有與予友及道純好事者尚徘徊碑側元祐六
年大寒黃庭堅書

壽聖觀道士黃至明開小隱軒太守徐公為題曰快
軒庭堅集句詠之

過致政屯田劉公隱廬

詩中有水行天再環之句蓋先生自戊申赴桀

縣尉至庚午方改官歸政與詩句合

已上九篇並元載外集

拜劉凝之畫像

此詩蜀本詩集置之崇寧元年蓋先生自荆入
岳遵陸至萍鄉回涂自筠陽豫章山行由東林
太平觀至江州初不經由南康今附于此

知郡大夫改築射亭與五老峯晤對極為勝賞輒以
長句詠歎 此篇元載別集

和劉太博攜家游廬山

駐輿尋訪後山陳德方家

此二篇並元載外集

題姨母李夫人墨竹二首

此詩載文集蜀本置之館中非是蓋畫壁在廬

山楞伽寺今附此

題李夫人偃竹

南康席上贈劉李二君

此二篇元載外集

元豐四年辛酉

先生是歲赴太和

是歲考試舉人于南安軍

豐城

豐城乃豫章屬邑自豫章至吉州太和先經由
此地

臨江寺僧以金線猿皮蒙琴几

臨江軍在豐城之上

上蕭家峽

何蕭二族

魏夫人壇

隱梅福處

蕭子雲宅

避秦十人

黃雀

皆是赴太和經由所作

已上九篇並元載外集

休亭賦

此賦雖無年月先生作蕭濟父墓誌云濟父元祐六年乃以特奏名試于庭得一命而歸沒于牖下初濟父既無仕進意築屋于清江峽之碕巴丘之上曰休亭閒居且二十年因前篇有蕭家峽詩今附于此又按洪駒父嘗跋先生此賦

蓋山谷少作也晚年刊定其卒章曰是謂不著
而筮從無龜而吉卜蓋初本其末兩句云蓋嘗
聞伯夷之風何能問詹生之卜

到官歸志浩然二絕

庭堅得邑太和六舅按節出同安邂逅於皖公溪口
風雨阻留十日對榻夜語因咏誰知風雨夜復此
對牀眠別後更覺斯言可念列置十字字為八句
寄呈十首

詩中有得邑通梅嶺開花向春妍之句又序稱別後故附于此

題吉州承天院清涼軒

戲題承天寺法堂前柏

次韻答楊子聞見贈

詩中有黃綬今為白下令之句

蕭巽葛敏修二學子和予食笋詩次韻答之二首

胡朝請見和食笋詩輒復次韻

聞致政胡朝請多藏書以詩借書目

已上二十篇並元載外集

賴上食蓮有感

賴上即今賴州舊虔州先生自吉往南安考試
經過按先生有此詩真蹟藁本謹附錄于後

蓮實大如指分甘念母慈共房頭臍臍更深兄
弟思實中有么荷拳如小兒爪令我憶衆雛迎
門索梨棗蓮心政自苦食苦何能甘投筋去未

能竊祿以懷慙蓮生淤泥中不與泥同調食蓮
雖云多知味良獨少吾家雙井塘十里秋風香
安得免冠綬歸製芙蓉裳今集中亦有數字不

同

南安試院無酒飲周道輔自贛上攜一榼時時對酌
惟恐盡試畢僕夫言尚有餘樽木芙蓉盛開戲呈
道輔

詩中有山邑已催乘傳馬曉窗猶共讀書螢之

句

戲贈南安倅柳朝散

效孔文舉贈柳聖功六言三首

謝陳正字送荔枝三首

詩中有十年梨棗雪中看及稍知身作近南官
之句蓋自葉縣北京仕宦十年而後來太和頗
與詩意合又云橄欖灣南遠歸客煩將嘉果送
蓬門當是自贛上得之就寄歸太和耳今附于

此

題虔州東禪圓照師新作御書閣

題槐安閣

并序

已上十篇並元載外集

序中云東禪僧進文結小閣於寢室東故附于

此

山谷年譜卷十二

欽定四庫全書

山谷年譜卷十三

宋 黃鶯 撰

元豐四年辛酉

下

洪範以不合俗人題廳壁二絕句次韻和之

詩中有南康郡下叅軍耳南康即贛州地名洪
範名下時官贛上蓋先生試院歸塗所作

發贛州寄余洪範

按先生有此詩真蹟胸中淳于吞一石塵下庖
丁解十牛作紅衣傳酒傾諸客清夜中談誇九
州又有題名數行云王誠之柳誠甫周道甫魏
伯殊余洪範徐適道徐致虛馬固道東禪惠老
及有詩一首云惠老有才氣往來三十年松風
沈永日詩句即深禪萬水千山裏長安大道邊
相逢欲留語此月別時圓謾附于此

二篇並元載外集

荅余洪範

此篇元載別集

秋思寄子由

按蜀本詩集注云是時蘇黃門謫監筠州鹽稅
筠吉皆在江西山谷嘗有與黃門書云得邑極
南幸執事在旁郡又云有高安行李必問動靜
高安即筠州黃門名轍字子由

奉寄子由

大臨

奉荅元明

轍

二詩元附

次韻奉寄子由

再次韻奉荅子由

再次韻寄子由

次韻寄上七兄

秋思

和七兄山蘋湯

同韻和元明兄知命弟九日相憶二首

按先生有此詩真蹟藁本首篇云革囊南渡傳
詩句兄弟相思意象真九日黃花傾壽酒幾迴
青眼望車塵早為學問文章誤老作東西南北人
安得田園可溫飽長拋簪紱裹頭巾後篇與集
中但鄰田作田鄰耳

雙潤寺二首 寺在太和境內

代書

詩中有我為萬夫長之句

睡起

奉送周元翁鎖吉州司法廳赴禮部試

元翁名燾

飲潤父家

潤父舊名渥字潤父後更名育字懋達會稽人
時為吉州司理先生以兄弟合宗已載先生所
作黃育字序

次前韻寄潤父

出迎使客質明放船自瓦窑歸

荅何君表感古冢

會稽竹萌為蘄春傳尉作

還深甫同年兄詩卷

次韻和荅孔毅父

毅父嘗為吉倅

再和舊韻寄孔毅父

招隱寄李元中 元中名冲元

已上二十四篇並元載外集

龍眠操三章贈李元中

此篇元載文集

元豐五年壬戌

先生是歲在太和

按九月十六日上運使劉朝請書云錄錄下邑

盖將暮年又承執政之後負逋在民縲繫滿獄

勤苦教養僅為細民之女

二月二日曉夢會于廬陵西齋作詩寄陳適用

適用名汝器時知廬陵先生到官在去歲此詩

蓋今春作

長句謝適用惠送吳南雄所贈紙

寄陳適用

絕句

戲題

寄懷元翁

對酒次前韻寄懷元翁

侯尉之吉水覆按未歸三日泥雨戲成寄之

侯尉家聽琵琶

寄袁守廖獻卿

廖袁州次韻見荅并寄黃靖國再生傳次韻寄之

次韻奉荅廖袁州懷舊隱之詩

上權郡孫承議

先生有作知吉州姚公墓銘云姚公歿于元豐

辛酉八月己未當是此後來攝郡事

送權郡孫承議歸宜春

奉和孫承議謝送菜絕句

和孫公善李仲同金櫻餌唱酬二首

詩中有我方困健訟及不能鳴弦坐之句

荅余洪範二首

藥名詩奉送楊十三子問省親清江

三月乙巳賦鹽萬歲鄉且蒐獮匿賦之家晏飯此舍
遂留宿是日大風自採菊苗薦湯餅二首

按別本湯餅下有紅藥盛開四字且有三首其
三云春風一曲花十八拚得百醉玉東西露葉
壓枝見紅藥猶似舞餘和汗啼

題高君正適軒 已上十三篇並元載外集

山谷年譜卷十三

欽定四庫全書

山谷年譜卷十四

宋 黃嚙 撰

元豐五年壬戌

贈別李次翁

按蜀本詩集注以張方回家本編次在秋思寄
子由之後

寄李次翁 此篇元載外集

別友賦送李次翁 此篇元載文集

四月戊申賦鹽萬歲山中仰懷外舅謝師厚

按師厚之弟刑部尚書景溫所作謝氏小隱田
記云元豐五年余自長沙蒙恩以禮部侍郎召
還道出襄陽時伯兄以朝散大夫通判是州兄
弟相見皆白首矣而此詩亦有祇今漢龐公白
髮佐州郡之句則是今歲所作無疑

癸丑宿早禾渡僧舍

宿觀山

上大蒙籠

元注乙卯晨起

勞坑入前城

元注乙卯飯後

乙卯宿清泉寺

丙辰仍宿清泉寺

丁巳宿寶石寺

戊午夜宿寶石寺視寶石戲題

己未過太湖僧寺得宗汝為書寄山蘋白酒長韻詩

寄答

庚申宿觀音院

辛酉憇刀坑口

金刀坑迎將家待追漿坑十餘戶山農不至因題其

壁

題安石榴雙葉

次韻漢公招七兄

送酒與周法曹用贈潤父韻

寄題安福李令適軒

安福蓋太和鄰邑

寄題安福李令先春閣

寄題安福李令愛竹堂

題安福李令朝華亭

登快閣

閣在太和今有先生祠堂

和李才甫先輩快閣五首

八月十四夜刀坑口對月奉寄子難子聞適用

子難名堯臣

彫陂

詩中有僧言生長八十餘縣令未嘗身到此之

句

幾復寄檳榔且答詩勸予同種復次韻寄之

以歲月攷之此時幾復已為廣州四會令矣

黃幾復自海上寄惠金液三十兩且曰惟有德之士
宜享將以排蕩陰邪守衛真火幸不以凡物畜之

戲答

幾道復覓檳榔

詩中有莫笑忍飢窮縣令之句

次韻幾復答予所贈三物三首

戲荅龍泉余尉問禪二小詩

龍泉蓋太和鄰邑

漫興

詩中有曉來不倦聽衙鼓之句

次韻答任仲微

詩中有不堪黃綬腰銅印之句

次韻答任仲微

和答任仲微贈別

送酒與畢大夫

喜太守畢朝散致仕

先生作太守畢公墓誌銘云元豐五年冬十一月歿于理所

倉後酒正廳昔唐林夫謫官所作十一月己卯余納秋租隔牆芙蓉盛開

按長歷十一月己卯乃是年十一月初二日先生有真蹟題云太和倉後酒正廳昔唐林夫謫官所作十一月己卯余來受秋租隔牆木芙蓉

盛開

送晁道夫叔姪

詩中有我為折腰吏之句又云二年吟楓葉則
是到太和兩載矣故附是歲

和知命招晁道夫叔姪

再次韻戲贈道夫

次韻惜范生

吉老受秋租輒成長句

吉老盖太和縣倅

再次韻和吉老

招吉老子範觀梅花

子範姓李名覲袁州人元豐二年特奏推恩為
太和尉其兄名觀字夢符為清江縣嘗為太守
作祭歐公母夫人文曰昔孟軻亞聖母之教也
今有子如軻雖死何憾文忠擊節賞之故後篇
有乃兄本是文章伯之句

子範徼巡諸鄉捕逐羣盜幾盡輒作長句勞苦行李
詩中有乃凡本是文章伯此老真成矍鑠翁之
句

送徐隱父宰餘干二首 已上五十二篇並元載外集

先生有此詩真蹟藁本云地方百里身南面翻手
冰霜覆手炎贊堦得牛庭少訟長公齋馬吏爭
廉邑中丞掾陰桃李案上文書畧米鹽治狀要
須聞豈弟此行端為霽威嚴天上麒麟來下瑞

江南橘柚間生賢玉臺書在猶騷雅孺子亭荒只
草烟半世功名初墨綬同兄文字敵青錢割雞
不合庖丁手家傳風流在著鞭

山谷年譜卷十四

欽定四庫全書

山谷年譜卷十五

宋黃芾撰

元豐五年壬戌

下

送何君庸上贛石

君庸蓋太和簿

送君庸

北園步折梅寄君庸

次韻君庸寓慈雲寺待韶惠錢不至 已上四篇並

元載外集

奉和答君庸見寄

梅花 此二篇元載別集

何主簿蕭齋郎贈詩思家甚苦戲和答之

次韻和魏主簿

次韻奉答存道主簿 已上三篇並元載外集

從時中乞蒲團二首

前篇載外集第七卷首句云撲屋陰風雪作團
後篇載外集第十四卷首句云織蒲投我最宜
寒前篇小異蜀本作謝時中送蒲團併附此詳
見後注

奉送時中攝東曹獄掾

時中蓋太和同官入城攝事故詩中有府中奪
我同官良之句又有云蒼崖按轡虎豹號及昨
日歸來有行色恐是尉曹與子範為交承者

戲答諸君追和予去年醉碧桃

奉答茂衡惠紙長句

茂衡太和人

雜言贈羅茂衡 已上三篇並元載外集

元豐六年癸亥上

先生是歲在太和

癸亥立春日莫茗於石池寺見庚戌中盛二十舅中
叔為縣時題名歎此寺不日而成哀縣學敝而不

能復

立春

寄舒申之戶曹

申之名卷詩中有吉州司戶官雖小之句

次韻答杜仲觀二絕

再次韻杜仲觀二絕

社日奉寄君庸主簿

觀王主簿家酴醾

酴醾

延壽寺見紅藥小魏揚州號為醉西施

延壽寺僧小軒極蕭灑予為名曰林樂取莊生所謂
林樂而無形者并為賦詩

詩中有晚風紅藥翻之句當是同時所作姑以
時序為次

元翁坐中見次元寄到和孔四飲王夔玉家長韻因
次韻率元翁同作寄湓城

夔玉名球太和人侍郎王贄之子

再次孔四韻寄懷元翁兄弟并致問殷甫

次韻元翁從王夔玉借書

學元翁作女兒浦口詩

去歲和元翁重到雙澗寺觀余兄弟題詩之篇總忘
收錄病中記憶成此詩

古風贈周元翁

戲贈元翁

送張才翁赴秦簽

詩中有北門相見後十年之句 已上二十篇

並元載外集

演雅

按蜀本詩集注云末句云江南野水碧於天中
有白鷗閒似我當是在太和所作山房李彤李
敵云此篇山谷晚年刪去

戲和答禽語

次韻舍弟喜雨

詩中有春隴未鉏蠶未眠之句以時序為次

一夕風雨花藥都盡唯有狝簽一叢濯濯得意戲題

元注是日丙午四月朔按國史元豐六年四月

實丙午朔故附于此 二篇並元載外集

奉答固道

詩中有強學未操製錦刀之句

奉和聖思講論語長句

詩中有簿領文字千免禿公庭囂訟百蟲鳴之
句 二篇並元載別集

次韻答宗汝為初夏見寄

同吉老飲清平戲作集句

次韻周法曹游青原山寺

次韻曾都曹喜雨

都曹既在郡中不應先生詩中有潔齋蘄得歲
同病託諸公之句又有戲題曾處善尉廳即此

人尉廳亦非都曹所居當是時中與之對攝

戲題曾處善尉廳二首

寄上高李令懷道

上高屬筠州與太和皆江西屬邑

謝文灝元豐上文藁

讀方言 已上九篇並元載外集

山谷年譜卷十五

欽定四庫全書

山谷年譜卷十六

宋黃芻撰

元豐六年癸亥中

次韻秋郊晚望

次韻周德夫經行不相見之詩

答周德夫見寄

歐陽從道許寄金橘以詩督之

次韻吉老十小詩

次韻吉老寄君庸

次韻奉答吉老并寄何君庸

袁州劉司法亦和予摩字詩因次韻寄之

袁與吉為鄰此詩雖未知何時所作與前篇同
韻姑附于此

聞吉老縣丞按田在萬安山中

萬安蓋太和鄰邑

次韻喜陳吉老還家二絕

再次韻和答吉老二首

太和奉呈吉老縣丞

詩中有令尹三年課之句

吉老許惠李北海石室碑以詩及之

吉老兩和示戲答

次韻吉老知命同游青原二首

次韻知命入青原山口

陳古老縣丞同知命弟游青原謁思禪師予以簿領
不得往二公雨久不歸戲作百家衣一首二十韻
招之

次韻知命永和道中

次韻古老游青原將歸

喜知命弟自青原歸

寄張宜父

送彥孚主簿

彥孚姓黃詩中有主簿吾宗秀之句

寄餘干徐隱甫

詩中有顧子白下邑之句

寄晁元忠十首

詩中有北書來無期鴈不到梅嶺之句

次韻晁元忠西歸十首

此篇雖非同時所作然莫詳歲月姑附于此

奉答李和甫代簡二絕句

贈王環中

戲和于寺丞乞王醇老米

答永新宗令寄石耳

永新蓋太和鄰邑

贈朱方李道人

朱道人下世

題前定錄贈李伯牖二首

戲題水牯菴

先生有此詩真蹟題云戲題知命水牯菴而知
命亦有和篇云只看縛竹與編茅基上誰憑牢
不牢無量劫馳邪枉徑刹那閒得舊時槽腳根
著地曾稱屈鼻孔撩天未是高欲問此菴端的
處南泉解便快簾刀 已上六十五篇並元載
外集

山谷年譜卷十六

欽定四庫全書

山谷年譜卷十七

宋 黃留 撰

元豐六年癸亥

下

靜居寺上方南入一徑有釣臺其象甚古而俗傳謬
妄意嘗有隱君子漁釣其上感之作詩

高至言築亭於家園以奉親摠其觀覽之富命曰溪
亭乞余賦詩余先君之弊廬望高子所築不過十

牛鳴爾故余未嘗登臨而得其勝處

題息軒

題神移仁壽塔

題海首座壁

題仁上座畫松

摩詰畫 已上七篇並元載外集

題覺海寺

題醒心軒 此二篇並元載別集

十二月移德平鎮

先生有大孤山詩刻云是歲癸亥十二月余自太和移德平

江西泊舟後作

追憶予泊舟西江事次韻

宮亭湖

詩中有平生來往湖上舟一官四十已包羞之句先生是年三十九矣蓋歸舟自湖濱入脩江

由武寧而至分寧耳 已上三篇並元載外集

贈鄭郊

按蜀本詩集注云山谷有荊州為興上人書此詩跋云癸亥歲予解官太和過武寧聞清上人當來延恩因謁鄭子通問消息題詩子通之壁草堂鄭郊處士隱處也云云予家所藏舊本如此老禪謂延恩長老法安安死於元豐八年山谷為之銘則此詩蓋是歲經涂所作

元豐癸亥經行石潭寺見舊和栖蟾詩甚可笑因削
枌滅藁別和一章

舊詩云千里追奔兩蝸角百年得意大槐宮夢
回身卧竹窻日院靜鴉啼柿葉風世路侵人頭
欲白山僧笑我頰猶紅壁間佳句多丘隴問訊
髑髏聊檇蓬乃嘉祐癸卯所作今前兩句仍舊
耳

夜發分寧寄杜澗叟

題杜樂澗叟冥鴻亭 已上三篇並元載外集

毀壁 并序

按別集載毀壁序云夫人歿後十有四年太夫人始知不得葬哭之不成聲曰使是子安歸乎某兄弟無以自解說念夫人建洪氏之廟南康廬山之下使刻石於廬山築亭以庥之髣髴其生平而妥之蓋夫人卒以熙寧庚戌至今恰十

四年

過家

上冢

明叔知縣和示過家上冢二篇輒復次韻

明叔名知章治平二年進士元豐中知分寧詩

中有去國三十年之句蓋自太和還家赴德平

所作

次韻郭明叔長歌

先生有此詩真蹟云謹次韻上答知縣奉議惠

賜長歌邑子宣德郎黃庭堅再拜上其間與印
本有同異處如何如高陽酈生醉落魄作都不
如安用蚓食而蝸跼作安用蚓食而蝸跼詩書
自可作斲輪作自竒老斲輪鵬翼垂天公直起
作鵬翼垂天公且起黃花零落一樽酒作黃花
零亂一樽酒此帖見藏泉江劉廌家

詠清水巖呈郭明叔

並序

次韻清水巖

次韻郭明叔登縣樓見思長句

宿山家效孟浩然

題徐氏姑壽安君壽梅亭

寄題陳瓘野軒

瓘字瑩中

題章和甫釣亭 已上十二篇並元載外集

元豐七年甲子

先生是歲赴德州德平鎮到官當在夏秋之間

是春過揚州泗州

先生有與余清老書跋云元豐甲子相見於廣陵又有過泗州僧伽塔作發願文在三月

揚州戲題

先生有真蹟載石刻題云余往年過維揚時小呂申公作守席上問申公紅藥開早晚因戒一牙吏走向土廟探花還報云花蓓初大如指面歸而作小詩按漫叟詩話云過揚州芍藥未開

一首甲子春作此詩元載外集

寄劉泗州二首

前篇載外集第十四卷後篇載別集第一卷因
泗州經涂附

宿廣惠寺

詩中有僧舍初寒夜氣清及都下苦無書信到
數行歸鴈月邊橫之句則是秋時到官無疑故
附此

送呂知常赴太和丞

詩中有我去太和欲期矣之句 二篇並元載

外集

平鎮張澄居士隱處三詩

按蜀本詩集注云張方回家本題云王郎求此詩其詳具後篇此詩山谷晚年亦刪去

山谷年譜卷十七

欽定四庫全書

山谷年譜卷十八

宋 黃畱 撰

元豐七年甲子下

古風次韻答初和甫二首

詩中有道人四十心如冰之句先生生於乙酉
是年四十和甫名虞世名士善醫有養生必用
方行於世

次韻答和甫盧泉水三首

并序

盧泉在東平府須城縣盧泉鄉

和甫得竹數本於周翰喜而作詩和之 已上六篇

並元載外集

贈初和甫

承示中秋不見月及憫雨連作恐妨秋成奉次元韻

此二篇並元載別集

寄題欽之草堂

欽之即傳堯俞草堂在河陽

寄耿令幾父過新堂邑作迺幾父舊治之地

堂邑德州縣名

放言十首

送伯氏入都

渡河 已上十四篇並元載外集

元豐八年乙丑哲廟登極

先生是歲春夏猶在德平

四月丁丑以秘書省校書郎召其到京師當在六七
月間

按實錄是歲四月丁丑奉議郎黃庭堅為校書
郎

次韻清虛喜子瞻得住常州

按東坡年譜元豐七年自黃移汝十二月上表
乞於常州居住八年正月到南京有放歸陽羨
之命遂居常州今附于此子由嘗為王定國作

清虛堂記清虛即定國也

次韻公秉子由十六夜憶清虛

次韻清虛同訪李園

次韻清虛 已上四篇並元載別集

寄裴仲謨

按蜀本詩集注云山谷在德平與德州太守書
云庭堅官局勉以不瘵幸親老在都下善眠食
兄弟無它而此詩有我家輦轂下新桂炊白玉

在官與影俱衣綻髮曲局天機行日月春事勤
草木之句則先生在德平過春又可無疑仲謨

名綸

碾建溪第一奉邀徐天隱奉議并效建除體

再作答徐天隱

重贈徐天隱

以十扇送徐天隱

四月丁卯對雨寄趙正夫

正夫名挺之

寄懷趙正夫奉議

先生有題絳本法帖元豐八年夏五月戊申趙
正夫出此書於平原官舍又題樂府木蘭詩後
云元豐乙丑五月戊申會食于趙正夫平原監
郡西齋二詩蓋當時作按國史元祐三年十月
己丑蘇軾言御史趙挺之在元豐末通判德州
而著作黃庭堅方監本州德平鎮挺之希合提

舉官楊景榮之意欲於本鎮行市易法而庭堅
以為鎮小民貧不堪誅求若行市易必致星散
公文往來士人傳笑云云先生它日宜州之禍
亦基於此故因備載

題羅山人覽輝樓

詩中有思齊太任政勤苦之句 已上三篇並

元載外集

寄黃幾復

元注云乙丑年德平鎮作按成都續帖先生草書此詩跋云時幾復在廣州四會予在德州德平鎮皆海瀕也

神宗皇帝挽詞三首

按蜀本詩集注云按實錄是歲三月戊戌神宗升遐此詩及王文恭挽詩皆因崩薨歲月為次後多倣此

王文恭公挽詞二首

王珪字禹玉相神宗哲宗按實錄元豐八年五月庚戌薨謚文恭

謝送碾賜壑源揀芽

詩中有橋山事嚴庀百局及右丞似是李元禮之句橋山謂神宗山陵右丞謂李清臣邦直以小龍團及半挺贈無咎并詩用前韻為戲

晁補之字無咎

和答外舅孫莘老

按蜀本詩集注云舊本云莘老病起作詩寄同舍實錄本傳云元豐八年自祕書少監除右諫議大夫故詩中有少監巖壑姿及寄聲舊僚屬尚憐費諫紙之句而首句則云西風挽不來當是初秋所作

和答莘老見贈

詩中有諫垣始登收之句當是同時作 此篇元載外集

次韻定國聞子由卧病績溪

按蜀本詩集注云蘇黃門樂城集有復病詩云
病作日短至病消秋風初黃門時為歙州績溪
令王定國名鞏

次韻子由績溪病起被召寄王定國

按蜀本詩集注云蘇黃門穎濱遺老傳云移知
歙州績溪始至而奉神宗遺制居半年除祕書
省校書郎明年至京師除右司諫此詩今歲秋

冬間所作先生有此詩真蹟彙本云

種萱盈九畹蘇子憂國病炎蒸卧百戰山立
有餘勁斯人廊廟器不合從遠屏江湖搖歸
心毛髮侵老境艱難喜歸來如晴月生嶺仍
懷阻行舟風水蛟鯉橫補袞諫官能用儒吾
道盛上書抵平津蠹橐尚記省至今民社計
非事煩舌競方來立本朝獻納繼晨暝人才
包新舊王度濟寬猛必開曲突謀滿慰傾耳

聽斯文呂與張泉下亦蘇醒天聰四門闢國
是九鼎定身得遭太平分甘守閒冷天津十
年面想見頽而整何時及國門休暇過煮茗
燒燈留夜語鴻雁看對影但恐張羅地頗復
多造請維此禮部公寒泉覓舊井謫去久羸
瓶召還及脩綆太任決齋宮陛下天統慶日
月進亨衢經緯寒耿耿西走已和我南還無
哀郢不圖西逐臣朝轡天街並王子竄炎州

萬死保軀命還家頗故紅信亦抱淵靜稅屋
待車音掃門親帚柄行當把書傳載酒求是
正端如嘗橄欖苦過味方永

次韻李之純少監惠研

詩中有我亦洗湔與清流之句當是初入館時
之純名周

送舅氏野夫之宣城二首

李莘字野夫亦先生母舅按任氏注云按實錄

元豐八年十二月屯田郎中李莘知宣州然此詩未必是時所作姑以除官之歲月為次餘多倣此

宣九家賦雪

詩中有窮臘月半破之句宣九謂宗室宣州院第九者


喜念四念八至京

詩中有朔雪蕭蕭映薄幃之句念四即非熊念

八諱仲堪字覺民先生從弟 二篇並元載外
集

訪趙君舉

詩中有朔風吹雪滿都城之句因前篇賦雪附
見元載別集



山谷年譜卷十八

欽定四庫全書

集部

山谷年譜卷

十九至
二十六

詳校官庶吉士臣胡鈺

檢討臣何思鈞覆勘

總校官進士臣朱鈐

校對官主事臣陳文樞

謄錄監生臣雷青松

欽定四庫全書

山谷年譜卷十九

宋 黃瑋 撰

元祐元年丙寅

上

先生是歲在祕書省

按國史元祐元年三月司馬光言校書郎黃庭堅好學有文即日在本省別無職事欲望特差與范祖禹及男康同校定資治通鑑從之

十月丙戌除神宗實錄院檢討官集賢校理

按國史十月丙戌黃庭堅除實錄院檢討官集
賢校理

送范德孺知慶州

按蜀本詩集注云德孺名純粹按實錄元豐八
年八月直龍圖閣京東運使范純粹知慶州此
詩云春風旌旗擁萬夫當是今年春初方作此
詩爾趙子湜家有山谷與晁堯民帖云范五詩

至今未成比年幾月四十日不曾道一句范五

即德孺

題王黃州墨跡後

題王仲弓兄弟吳序

仲弓名寔

寄尉氏倉官王仲弓

有惠江南帳中香者戲贈二首

子瞻繼和復答二首

按蜀本詩集注云右六詩答東坡篇中有喜公
新赴朝參之句是時東坡自登州至京師為禮
部郎中而迎燕潤花皆春時事

右按國史是歲正月蘇軾為中書舍人先生有
此詩墨蹟題云有聞帳中香疑為熬蠟者輒復
戲用前韻願勿以示外人恐不解事者或以為
其言有味也因附于此

謝公擇舅分賜茶三首

詩中有國老元年密賜來及拚洗一春湯餅睡
亦知清夜有蛟龍之句是春末所作

以潞公所惠揀芽送公擇次舊韻

承吏部蘇尚書右選胡侍郎皆和鄙句次韻道謝
奉同公擇作揀芽詠

今歲官茶極妙而難為賞音者戲作兩詩用前韻
公擇用前韻戲嘲雙井

又戲為雙井解嘲

奉同六舅尚書詠茶碾煎烹三首

與李公擇道中見兩客布衣班荆而坐對戲弈秋因

作一絕

次韻公擇雨後

六舅以詩來覓銅犀用長句持送舅氏學古之餘復
味禪悅故篇及之

奉和公擇舅氏送呂道人研長韻

詩中有春官酌典禮之句公擇時為禮部侍郎

再和公擇舅氏雜言

詩中有人言無忌似牢之挽入書林觀文字之
句

次韻答王四

戲答仇夢得承制三首

一載外集第四卷二載外集第七卷

和任夫人悟道 已上二十篇並元載外集

便糴王承送碧香酒用子瞻韻戲贈鄭彥能

按蜀本詩集注云以類相從附前篇子瞻詩蓋
守密州時作今追用其韻彥能名僅

顯聖寺庭枸杞

次韻子瞻贈王定國

東坡詩所謂謫僊竄夜郎子美耕東屯即此韻
以東坡集攷之是歲春晚所作

次韻張詢齋中春晚

次韻張仲謀過酺池寺齋

詩中有夜談簾幕冷霜月動金蛇之句

觀祕閣西蘇子美題壁及張侯家墨蹟十九紙率同

舍錢才翁學士賦之

詩中有邇來四十年我亦校書郎之句蓋明年
正月先生為著作佐郎矣

此篇元載別集

次韻答晁無咎見贈

此篇與春晚同韻

雨過至城西蘇家

詩中有飄然一雨洒青春及都城誰是得閒人
之句

暮到張氏園和壁間舊題

從人求花 已上三篇並元載外集以時序為次
次韻答張文潛惠寄

文潛名耒按蜀本詩集注云按實錄是歲十二
月試太學錄張耒為祕書省正字此詩蓋夏初

方到太學供職所作故詩有忽復燕哺兒及學
省得佳士之句

明月篇贈張文潛

此篇元載外集

同錢志仲飯籍田錢孺文官舍

志仲名穀孺文名景祥

次韻曾子開舍人遊籍田載荷花歸

按王直方詩話載此篇自美物亦有實至籠燭

照嬋娟云令君誠重客食前頗加饗西觀足牖
仕東觀多臞仙何時載樽俎全入觀少年及此
歸沐早少休從事賢傳觴定可醉下箔出嬋娟
子開名肇

送劉士彥赴福建轉運判官

按蜀本詩集注云按實錄元豐六年六月壬子
朝請郎劉士彥為福建路轉運判官此篇後亦
刪去

次韻韓川秦祠西太一宮四首

次韻王荊公題太一宮壁二首

東坡集亦有此詩以東坡集攷之當在是年秋
有懷半山老人再次韻二首

和答錢穆父猩猩毛筆

穆父名勰樂城集中有和章畧依倣以為次

戲詠猩猩毛筆

客有和予前篇為猩猩解嘲者復戲作詠

按蜀本詩集注云山谷有此詩跋云錢穆父奉
使高麗得猩猩毛筆甚珍之惠予要作詩蘇子
瞻愛其柔健可人意每過予書案下筆不能休
此時二公俱直紫微閣故予作二詩前篇奉穆
父後篇奉子瞻又任氏舊注云山谷此詩舊題
云前篇奉錢穆父後篇奉子瞻是時二公皆作
中書舍人按東坡是歲九月方遷翰林學士
奉和文潛贈無咎末篇多見及以既見君子云胡不

喜為韻

贈陳師道

師道字無已一字履常

按蜀本詩集注云按實錄元祐二年四月乙巳
徐州布衣陳師道充徐州州學教授觀此贈陳
師道之篇以為逸民蓋猶未得官也而詩又有
紅榴罇多子之句宜以為元年所作

留淳熙初容富川與王景文質論詩景文云

嘗聞榮茂世云得之前輩言山谷嘗與後山
相遇於潁昌因及杜詩暮歸詩中客子入門
月皎皎誰家搥練風淒淒之句故此詩有云
霜月入戶寒皎皎及萬人叢中一人曉元載
外集雖未詳歲月因前篇注故附

送六十五弟賁南歸

贈吳道士

此二篇亦載外集

山谷年譜卷十九

欽定四庫全書

山谷年譜卷二十

宋 黃當 撰

元祐元年丙寅

下

次韻答邢惇夫

按蜀本詩集注云按實錄元祐元年正月起居
舍人邢恕權發遣隨州惇夫恕之子也侍親以
行此詩有夢不到漢東之句漢東即隨州又云

雨作枕簟秋蓋元年秋也惇夫名居實

和邢惇夫秋懷十首

詩中有陳師道篇如前說

謝公定和二范秋懷五首邀予同作

按蜀本詩集注云詩有黃令謂幾復也幾復丁卯歲方至吏部改官見二年詩此詩蓋元年所作明矣詩亦有陳師道篇如前說

送謝公定作竟陵主簿

同謝公定攜書浴室汶師置飯作此

詩中有天上歸來對書客之句

謝人惠茶

懋宗奉議有佳句詠冷庭叟野居庭堅於庭叟有十八年之舊故次韻贈之庭叟有佳侍兒因早朝而逸去其後乃插椒藩甚嚴密已上三篇並元載

外集

贈送張叔和

叔和名墳

送顧子敦赴河東三首

子敦名臨按蜀本詩集注云按實錄元祐元年
七月祕書少監顧臨為河東轉運使此詩有攬
轡都城風露秋之句蓋秋晚所作

司馬溫公挽詞

是歲九月丙辰溫公薨而葬以明年二月樂城
集亦有此詩當是今冬所作

送鄭彥能宣德知福昌縣

先生有此詩真蹟跋云吾友鄭彥能今可為縣
令師也以余寒鄉士不能重之於朝故作詩贈
行以識吾愧元祐元年丙寅黃庭堅題今以歲
月為次移附於此

古意贈彥能

此詩元載外集雖非同時所作併附于此

次韻子瞻武昌西山詩

東坡集此詩序云元祐元年十一月二十九日

作

子瞻詩句妙一世乃云效庭堅體蓋退之戲效孟郊
樊宗師之比以文滑稽耳恐後生不解故次韻道
之

東坡集送楊孟容詩即此韻次武昌西山詩後
柳閔展如蘇子瞻甥子其才德甚美有意於學故以
桃李不言下自成蹊八字作詩贈之

戲詠蠟梅三首

按蜀本詩集注云京師初不以蠟梅為貴其得名自先生始今附此篇於元年之冬

蠟梅

按蜀本詩集注云舊本題下注云和呈都尉當以為王詩有埋玉之句謂王詵晉卿尚蜀國公主時主已下世

短韻奉乞蠟梅

此篇蜀本載於崇寧二年謝人惠猫兒頭笋後
今從元次附此

從張仲謀乞蠟梅

賈天錫惠寶薰乞詩予以兵衛森畫戟燕寢凝清香
十字作詩報之久失此藁偶於故紙中得之

按蜀本詩集注云山谷有此詩跋云余甚寶此
香未嘗與人城西張仲謀為我作寒計惠騏驎
院馬通薪二百因以香二十餅報之

戲答張祕監饋羊

此篇蜀本載之三年按實錄元祐二年二月己丑祕書監張問為給事中今移附于此

元祐二年丁卯

先生是歲在祕書省兼史局

正月除著作佐郎

按國史正月辛未黃庭堅為著作佐郎

常父惠示丁卯雪十四韻謹同韻賦之

詩中有春皇賦上瑞之句則歲首所作常父即

孔武仲

詠雪奉呈廣平公

按吳曾漫錄云歐陽季默嘗問東坡山谷詩何處是好東坡不答但劇口稱重黃詩季默云如夜聽踈踈還密密曉看整整復斜斜豈是佳耶東坡云政是佳處廣平公即宋益祖

和王明之雪

此篇元載別集與前篇同韻

次韻宋楫宗饒居甘泉坊雪後書懷

和答子瞻和子由常父憶館中故事詩

按蜀本詩集注云以東坡樂城集為次又此詩
云桃李春晝永

雙井茶送子瞻

和答子瞻

子瞻以子夏丘明見戲聊復戲答

省中烹茶懷子瞻用前韻

按蜀本詩集注云四篇當是今歲春送新茶詩
有翰林貽我東之句謂東坡先生按實錄元年
九月丁卯東坡遷翰林學士東坡集有次韻黃
魯直赤目詩即此韻而元年十月山谷遷實錄
院檢討官今歲又為著作佐郎故有願載軒轅
訖鼎湖之句

以雙井茶送孔常父

常父答詩有煎點徑須煩綠珠之句復次韻戲答

戲呈孔毅父

按蜀本詩集注云三篇皆用前韻第三篇有校書著作頻詔除之句山谷今歲除著作佐郎

謝黃從善司業寄惠山泉

從善名降後為御史中丞此篇亦用前韻山谷
晚年刪去按實錄元豐八年十二月乙酉承議
郎黃降守國子司業此詩以與省中烹茶同韻

姑從蜀本之次

予欲金玉汝贈黃從善

寄從善

此二篇元載外集恐亦非當時所作併附于此

次韻子瞻春菜

按東坡集春菜詩在和古風前此詩當是追和

今附于此元載外集

山谷年譜卷二十

欽定四庫全書

山谷年譜卷二十一

宋黃當撰

元祐二年丁卯

見諸人唱和酴醾詩輒次韻戲詠

按蜀本詩集注云藥城集中有次韻孔文仲舍人酴醾即此韻此後有和曾子開扈從詩見外集以藥城詩攷之蓋四月一二日也

次韻秦觀過陳無已書院觀鄙句之作

按蜀本詩集注云無已來京師寓居陳州門見予所作秋懷詩書院當在此地而此詩有墻陰老春薺之句觀字少章

陳留市隱并序

此詩蓋陳無已先作蜀本詩序云陳留江端禮季共曰陳留市上有刀鐻工年四十餘無室家子姓惟一女年七歲矣日以刀鐻所得錢與子

女醉飽醉則簪花吹長笛肩女而歸無一朝之
憂而有終身之樂疑以為有道者也視此加詳
因具載之

晁張和答秦觀五言予亦次韻

劉晦叔許洮河綠石研

晦叔名昱

以團茶洮州綠石研贈無咎文潛

按蜀本詩集注云按實錄元祐元年十二月試

太學錄張耒試太學正晁補之並為祕書省正
字而此詩有道山延閣委竹帛之句蓋今歲所
作

謝王仲至惠洮州礪石黃玉印材

仲至名欽臣因洮研詩附見

次韻文潛同游王舍人園

詩中有濃綠張夏帷之句

卧陶軒

詩中有城南晁正字之句

次韻寄晁以道

以道名說之

次以道韻寄范子夷子默

子夷名正平子默名正思

僧景宗相訪寄法王航禪師

按蜀本詩集注云張方回家本山谷自注云智
航道人住嵩山法王寺數遣小僧景宗到京師

因宗還寄之又先生有此真蹟石刻題云因僧
景宗還大法寺寄航長老

次韻子瞻送顧子敦河北都運二首

按蜀本詩集注云按實錄元祐二年四月癸巳
給事中顧臨為河北路都轉運使以東坡詩為
次

餞子敦席上奉同孔經父八韻

次韻張昌言給事喜雨

以東坡藥城集為次藥城詩云已收蠶麥無多

日蓋四月間昌言名問

送李德素歸舒城

詠李伯時摹韓幹三馬次蘇子由韻簡伯時兼寄李

德素

東坡集有此詩在喜雨詩後伯時名公麟德素

名案

次韻子瞻和子由觀韓幹馬因論伯時畫天馬

次韻答王慎中

慎中名寅

子瞻去歲春夏侍立邇英子由秋冬間相繼入侍作詩各述所懷予亦次韻四首

先生有此四詩真蹟題云子瞻去歲春夏侍立邇英子由秋冬間相繼入侍次韻四首各述所懷予亦次韻

再次韻四首

先生有真蹟題云子由作四絕句書起居郎時
入侍邇英講所見輒以所聞次韻

按第二篇首句風櫺倒影日光寒先生真蹟石
刻作風櫺倒竹影光寒政合春明退朝錄所云
隆儒殿在邇英閣後叢竹中故事

次韻子瞻題郭熙畫秋山

以東坡詩為次東坡詩所謂玉堂畫掩春日閒
即此韻在入侍邇英殿詩後

題郭熙山水扇

題惠崇畫扇

題鄭防畫夾五首

戲題小雀捕飛蟲畫扇

題畫孔雀

先生有此詩真蹟石刻題云題實師畫孔雀

睡鴨

先生有此詩真蹟石刻首句山雞照影作山雞

臨水

小鴨

題劉將軍鴈二首

前篇載文集五卷後篇載文集九卷

題劉將軍鵝

題晁以道雪鴈圖

題王居士所藏王友畫桃花二首

題陽關圖二首

題歸去來圖一首

題畫鵝鴈二首

題老鶴萬里心

題韋偃馬

答王道濟寺丞觀許道寧山水圖二首

前篇載外集第三卷二十二韻後篇載外集

第十二卷比前篇多一韻其間大同小異恐前

篇是改定本一時編次不覺并載今併存之已

上十二篇並元載外集

次韻奉酬劉景文河上見寄

詩中有煮春茗之句

奉謝劉景文送團茶

謝景文惠浩然所作廷珪墨

和劉景文

同劉景文遊郭氏西園因留宿

同景文詠蓮塘 已上五篇並元載外集

山谷年譜卷二十一